

泉州府志卷之四十六

循績

士當伏處未遇誰不思表見於時及拜命入官國計民生兩無裨益有指河水清漣譏我尸素者矣泉操土音而性真率鮮捷給脂韋之習所至或多齟齬而視國如家視民如身類能隨時勵職故在內則官守言責殫力贊襄在外則建節司牧極意拊循當其成績懋昭朝野交指而目之曰此泉產也光厥邦家榮及閭里顧不休歟若乃均列仕籍或文獻無徵莫詳蹶要皆各有所長非苟焉而已

泉州府志

卷之四十六

朱循績

一

事實或履任不久未竟敷施又或屈居下僚起而輒蹶要皆各有所長非苟焉而已
國家澄清吏治內外臣工大法小廉其政績殊尤者常不次擢用以勵官方生斯世者其益思自建樹以無負天工人代之義哉志循績附仕蹟

朱循績一

王言徹

陳綱

段全

蔡黃棠

謝徽

蘇紳

趙誠

林杞

呂璫

陳汝璵

謝季成

謝履

楊汲

石亘

朱直方

黃發

劉達

林黃中

曾孝廣

王公濟

蘇伯材

傅惟肖

倘

呂諒卿

林景淵

泉州府志

卷之四十六

宋循績

二

江常

陳康年

楊友

徐瞻

吳達老

王言徹字子明晉江人端拱二年進士知南豐縣有治績

秩滿赴闕擢知邵州歷漳鄂滁三州在漳時開蓮浦以

泄水患翼道植松抵泉境二百餘里在鄂及滁人皆生

祠之真宗祀汾陰郡守例遣子弟奉表得恩授官言徹

獨遣僚屬曰吾子孫衣白袍入舉子場足矣所著有郡

南集瑯琊集子千仞公佐孫景純皆特奉名

舊志

陳綱字舉正同安人父元愷善屬文終龔印令綱淳化三年進士爲建州觀察推官故事歲春夏率丁夫數萬採茶綱入奏請以北苑茶供御餘皆賦民收其租入在民者官復定其直償之則民不困而國亦利詔如其請建民德之累官淮南江浙荆湖制置發運使弟統統子昌侯俱進士

舊志

段全晉江人咸平五年以將仕郎任仙遊尉下車首務興學遷學邑南作孔子廟據三禮圖作七十二賢像扶植風教作興士類自是文風益臻仙邑志至今修道焉

閩書

泉州府志

卷之四十六 宋循績

三

蔡黃裳字叔文晉江人大中祥符元年進士知號縣鳳翔守有親校號人也招權受金錢黃裳至縣先執校縛傳舍中廼謁守條其奸狀置于法已而改知建陽縣秩滿解去邑人遮使者乞再任朝廷從之在建陽八年後爲陳州從事致仕因寓居陳州卒趙抃銘其墓子確

舊志

謝徽晉江人

一作微

祥符八年進士爲臨川令歷漳州軍事

推官太守受賄舞法徽据平無所撓訟者不之守而之徽州政得不敗守亦善去改大理丞知龍溪縣縣人曰是故州從事皆喜賀至則決滯訟刻舊蠹民以便安徙

北流縣城郭倉庾廨舍道梁一皆新之就知雷州軍州
事州臨海不知學爲葺文廟聚子弟教以儒術自是始
有習舉業者大豪李郁築城得吉印立盜契奪民田百
餘家五十年不能直有訴於徽者卽捕繫庭下問狀具
伏而郁老當贖徽條其甚惡不可假卒致以法通判福
州畫購巨盜悉誅其黨諫議大夫方謹言治廣州辟徽
貳政廉取番舶輸官之利以招其徠及罷去夷人涕泣
思之知建州庭無留獄長老紀焉尋知開封之祥符治
愈精微有聲名朝廷用薦者言將任以刑獄錢穀求便

泉州府志

卷之四十六

宋循績

四

藩得海州會歲早有蝗過境一宿蝗遂死吏民驚歎爲
異政之應卒於官嘗自言居官三十九年無小過失實
自平生謹畏子彥輔季成俱太廟齋郎仲規舉進士爲

蕭山尉

閩書叅蔡
忠惠文集

蘇紳字儀父同安人

宋史載
晉江人

初名慶民天禧三年進士歷

宜安復三州推官改大理寺丞母喪寓揚州州將盛度
以文學自負見紳文大驚自以爲不及由是知名再遷
太常博士舉賢良方正科擢祠部員外郎通判洪州徙
揚州上十議進直史館爲開封府推官三司鹽鐵判官

時衆星西流代地大震方春而雷詔求直言紳上疏極言時事安化蠻蒙光月寇宜州敗官軍殺鈐轄張懷志等六人紳言今日之患由往者守將失計而國家姑息太過此時可緩圖不可速取請命轉運使備數年兵食爲持久計扼其出路俾進無抄畧之獲伺便卽盛兵搗巢諭以送款且詔旁近諸蠻毋得相爲聲援如獲首級卽行優賞不出一年逆寇必就殄滅朝廷施用其策遣馮伸已守桂州經制之蠻遂平又陳便宜八事曰重爵賞慎選擇明薦舉異章服適才宜擇將帥辨忠邪脩豫

泉州府志

卷之四十六

宋循績

五

備帝嘉納之進史館脩撰擢知制誥入翰林爲學士再遷尙書禮部郎中王素歐陽脩爲諫官數言事紳忌之會京師閔雨請對上言國之號令不專於上威福之柄或移臣下虛譁憤亂故其咎僭厥罰常暘意以指諫官也諫官亦言紳舉御史馬端非其人改龍圖閣直學士知揚州復入爲史館脩撰權判尙書省紳博學多智喜言事銳於進取顧亦善中傷人改集賢脩撰知河陽徙

河中未行卒葬於丹陽子頌

舊志系宋史
廣西通志

趙誠字希平晉江人天聖五年進士通判撫州郡有疑獄

守刻深趣上薄暮請判誠知翼日有赦故延讞實黎明
赦果至獲免者衆知歸州州有淫祠曰巴王歲夕殺人
以祭誠毀祠投像於江州東三十里有新灘前後溺載
不可計屢議疏鑿旁灘大姓射阻險之利輒以游言沮
其役誠條奏利害結廬視役既成人號曰趙江卽所廬
祠焉入爲三司戶部判官出知明州卒于官

舊志

林杞字卿材南安人天聖五年進士歷知康雅淄泰四州
在泰州脩築海埭復良田數千頃使者上課最爲淮南
第一淄州圭田歲入之外例輸繒六百杞曰田植五穀

泉州府志

卷之四十六

宋循績

六

絹何從出耶却不受以光祿卿乞致仕卒年九十兄植
亦有文名終著作佐郎從子景淵

舊志參問書

呂璫字季玉號吉甫南安人

問書廣西通志俱載晉江人

景祐元年進

士爲漳浦令立學擇師以教士境內多瘴霧蛇豕之毒
教民焚燎以耕民有陳姓者死於虎璫立奔虎坑嶺榜
曰暴吾民者入吾奔明日奔有虎人咸異之汀虔寇發
募民爲兵教以攻守法賊聞不敢犯旣去民祠焉知衡
山縣撤淫祠以爲亭館通判宜州儂智高入寇轉運使
檄璫以兵會將二千人躡其後得賊首爲多調開封府

司錄有中人史志聰役殷廬衛士伐後苑木以為器用
木墮殺士事下按驗吏多為聰地璿疏重其罪志聰以
謫去璿剛直遇事敢為必得所守然後已歷守潮懷二
州官光祿卿卒子惠卿升卿諒卿

舊志參閩書
廣西通志

陳汝奭字公武晉江人徙居丹徒舉寶元元年進士調遂
安令知邵武軍後知海州歲飢發賑不俟報為監司所
劾汝奭請以身坐母累僚屬朝廷嘉之置不問及母歿
歎曰不及養矣遂隱居不復出子龍輔

閩書參江
南通志

謝季成字子立晉江人以父徽蔭歷大理評事衛尉丞熙

泉州府志

卷之四十六 宋循績

七

寧中累遷內藏庫使知宜康融邕四州廣西鈐轄峒蠻
侵叛悉討平之于合浦築城浚隍備禦之具為一路最
邕筦外寨戍兵歲物故常千餘請以峒丁代戍而教之
既不失備且可救死亡咸以為便元祐中卒于官邕人
廟祀之號清戎將軍

舊志

謝履字履道惠安人唐御史遜之裔嘉祐二年進士調南
安簿歷清溪令視泉州為本貫防檢尤嚴熙寧中主都
水監遷丞塞曹州靈平決河有功法當改官不自言以
秘書丞兩知興化軍歷婺州尋乞致仕卒年七十九善

行書隸書有雙峯詩集行世子宗參承事郎孫齊名通
直郎曾孫汝爲元孫汝有俱甲科從弟文龍

舊志參
閩書

楊汲字潛古晉江人嘉祐二年登進士第調趙州司法叅
軍州民曹潯者兄遇之不善兄子亦加侮焉潯持刀逐
兄子兄挾之以走潯曰兄勿避自爲姪爾既就吏兄子
云叔欲給吾父止而殺之吏嘗潯謀殺兄汲曰潯呼兄
使勿避何謂謀若以意爲獄民無所措手足矣州用其
言讞上潯得不死主管開封界常平權都水丞與侯叔
獻行汴水淤田法遂醺汴流張潦以溉西部瘠土皆爲

泉州府志

卷之四十六

宋循績

八

良田神宗嘉之賜以所淤田千畝遷淮西刑獄提舉西
路常平脩古芍陂引漢泉灌田萬頃召判都水監爲大
理卿遷刑部戶部侍郎元祐初以寶文閣待制知廬州
崔台符被劾汲亦落職紹聖中復爲戶部侍郎卒

宋史
參明

一統志八
閩志

石亘字彥明同安人廢從弟嘉祐八年進士累遷司農寺
幹當公事熙寧中淮浙江東飢從司農卿張諤賑濟所
過盡發官府庫置場給散又募人收養遺棄小兒所全
百餘萬有司劾其不循常法與諤俱罷言曰使事有推

將以施實惠于民也若以法繩之敢逃罪終陝西運屬
嘗編漢唐名臣奏議五十卷自爲文集十卷

舊志

宋直方字順中晉江人熙寧三年進士知鞏縣鞏有橋水
歲敗之直方令父老疏橋柱以殺水怒益伐石爲堤役
成一邑以爲利使者以率斂劾直方移知王屋性簡素
雅好山水之勝至王屋卽召家人曰吾某日當爲物外
之遊至期盥洗正坐而歿

舊志

黃發晉江人元豐初知龍泉縣脩崇學校進諸生講論經
學邑由是多聞人

閩書參括
蒼棠紀

泉州府志

卷之四十六

朱循績

九

劉達字公達同安人元豐八年舉進士第二人調越州觀
察推官累官同知樞密院事中書侍郎崇寧五年正月
徽宗以星變避殿減膳達請碎元祐黨人碑寬上書邪
籍禁帝從之夜半遣黃門至廟堂毀石刻翌日蔡京見
之厲聲曰石可毀名不可滅也二月京免相達與趙挺
之同心輔政盡更張京所行事進用元祐黨人子弟後
京令其黨復申紹述之說鄭居中言陛下所建立乃厚
下裕民何致天譴輒更張耶帝遂疑達于是京黨論達
專恣反覆引用邪類出知亳州京復相再責鎮江節度

副使安州居住京復能起知杭州後召至都卒贈光祿大夫呂大奎贊曰崇寧之初耿耿孤忠政尙元祐弊革熙豐國事一新公其彌縫千載垂休斯文有功然宋史稱達附京職進書

林黃中字伯玉晉江人父臯治平中進士調建州理椽雪活獄囚註誤不受賞祿黃中元豐八年進士調永豐尉有張生者貧負租黃中密以俸代其輸張生未幾擢第遷歸善令有院僧與豪民爭田各持嘉祐契券界至歲月皆同先後令不能決黃中遣吏取架閣文字嘉祐年

泉州府志

卷之四十六

宋循績

十

者審之紙札與僧契同豪民伏辜知彭城彭號盜區訟藪黃中治甫半年獄空幾兩月部使者以聞傳宣獎諭

舊志

曾孝廣字仲錫晉江人公亮從子元豐末爲北外都水丞元祐閒大臣議復河故道孝廣以爲不可出通判保州久之復原官歷水部員外郎河決內黃詔孝廣行視遂疏蘇村鑿鉅溝導河北流紆澶滑深瀛之害遷都水使者洛水瀕歲溢涌浸齧北岸孝廣按河堤得故渡口遺跡曰此昔人所以殺水勢也卽日濬之累石爲防自是

患息出提點永興路獄累遷戶部侍郎進尚書坐錢帛
不給罷爲天章閣待制知杭州又坐聘契丹失使體奪
職尋復之知潭州胡安國提舉湖北學事舉永州布衣
王繪鄧璋文應詔爲蔡京所陷置獄推治衆爲危言孝
廣往唁退謂僚佐曰胡提舉凝然不動賢於人遠矣遷
顯謨閣直學士知鄆州竟坐大觀中與胡安國鄒浩忤
時相爲御史所論奪職尋復原官以疾卒贈正議大夫
孝廣涖官以嚴稱獲盜輒碎其手焉

舊志參
閩書

王公濟字經國晉江人年十八登元祐六年進士宣和間

泉州府志

卷之四十六

宋循績

士

知溫州瑞安縣時方臘攻浙東諸邑掠黃巖樂清直趨
縣境欲遂窺閩中公濟石邑豪及父老諭之揀丁壯得
五千人朝夕肄習分守要害與尉梁公範躬擐甲胄九
十餘日不入廨舍民樂爲之死賊至今夏祥輔褒等迎
擊之賊避其鋒遁去最後悉衆以來公濟先募士繡大
旗爲福建路槍杖手字旣陳張旗賊望見以爲援兵至
大驚卽引退賊平公濟代還以疾卒有司上其功官一
子瑞安聞公濟死市哭累日立廟祠之徐師仁爲之傳
而贊之曰公濟以小邑嬰賊鋒誓以死守雖張巡劉昌

輩何以遠過閩不被兵公濟力也

舊志參溫州府志

蘇伯材字延構晉江人紹聖四年進士知潮州有富民殺其姪女懼而賄吏為密懷黃金三十斤置伯材所具言求毋入狀伯材立械治之籍金于官辭連縣佐按之帝聞下詔褒美擢知韶州憲司吏誣執翁源民為盜以倖賞因賂縣官梁格使就獄殺之伯材廉其事疏論格坐黥海島吏伏辜其廉正類此著有周易解義三十卷及文集藏于家從兄珍玠子松俱登進士第松與東坡唱和有文集一編

舊志參廣東通志

泉州府志

卷之四十六

宋循績

三

傳惟肖字應求南安人紹聖四年進士知清江縣屬歲歉發倉賑濟飢民赴糴攘奪之巡尉希賞欲以強盜論惟肖笑曰迹則似矣顧未嘗結徒操兵奈何加以重辟由是全活者衆終岳州通判

閩書作徽州

惟肖子倘為潮州錄

叅蠲上供耗銀民德之知肇慶府端溪有紫石可為硯屬縣以石工占胥無慮數十倘悉斥去之

舊志

呂諒卿南安人璫之子

閩書載晉江人

元符中為溫州軍事推官

上書詆紹述新法之非崇寧元年編類元符章疏姓名諒卿以邪等尤甚入黨籍追官勒停亳州編管御書姦

黨碑以賜惠卿惠卿自劾求罷奏乞令出籍諒卿廢錮
終身紹興二年贈宣教郎官其家

舊志參
閩書

林景淵字深父南安人杞從子崇寧二年進士歷官知惠
州招捕土寇劉德隆降詔獎諭未幾請老嘗夢神人贈
以詩曰平生萬事皆安分須信靈臺一點清歸去分明
無障礙蓬萊堦率是前程一日命家人具袍笏曰吾將
朝真去矣時李邴與之隣居聞之折簡來言曰釋老之
道與孔子不殊但會曾子易簣子路結纓無餘事矣景
淵啓簡視之整衣冠而卒

舊志參
閩書

泉州府志

卷之四十六

宋循績

三

江常字少明晉江人崇寧五年進士累官給事中靖康初
知福州建州賊乘流趨逼州城常登陴呼其酋諭以禍
福賊羅拜城下遁去靖康以後州卒驕橫謹趨牙門常
蹤跡得其尤黠者付保伍因事去之士始識紀律尋奉
祠歸益薄榮利歲飢倒廩賑濟父喪廬墓以壽終有外
制十卷文集二十卷

舊志參
閩書

陳康年字季昌晉江人政和二年以上舍選知海陽潮陽
二縣捐俸以貸逋賦運私穀賑飢民當路交薦通判潮
州攝州事黎寇犯境嚴備卻之歷官二紀公廉如一日

潮人與陳堯佐金稱二陳孫謙淳熙中登第爲興化軍

教授

舊志參閤書
黃東通志

楊友字叔端晉江人政和二年武舉及第第一知欽州先是交趾越界與前守爭鹽利謀舉兵及友至遣使來通好宴交使于天涯亭賦詩友賡韻云可憐鱗細閑驚躍誤把新蟬作釣鈎交使嘆誦稍語及地界友植鐵鎗於亭曰能鑒戰耶悚息而退謀遂寢郡人因呼爲楊鐵鎗擢知廉州故事貢珠令民採取多溺死者友市於他州以充貢所得恩澤先奏三兄子各一人云

舊志參廣東通志閩書

泉州府志

卷之四十六

宋循績

十四

徐瞻字德望晉江人少由三舍貢辟雍擢政和五年進士歷理官三任知海陽政平恕通判廣州臺閩交薦當得州同年秦檜當國恚其不求已不與坐是不調杜門十五年觴詠自適守周葵表其里曰興德取治獄多陰德子孫必興之義從孫挺伯嵩履正

舊志

吳達老字信遇初名天經惠安人謂姪孫政和五年第進士丞建昌時朝廷更釐法達老與令謀如此則釐商重困堅執不行曰雖得重罪無害申軍乞奏未報聞朝廷覺而罷之後知惠州大興學校令僉判陳鶴掌教事執

經者數百人有承節郎謝革者遣克徒劫掠仇家又殺其主焚所居室獄具達老慮賊黨奪囚先處革以極刑乃自劾待罪有子七人兩遇郊恩先奏薦弟廸老述老其弟以兄多子未霑命爲辭達老曰一官不足爲吾弟榮聊以慰母心耳母年八十餘三乞奉祠侍養不出後改知潮州卒于官子廸賞者二人

舊志參
閩書

宋循績二

陳孝則

陳穎

徐光實

趙汝倣

泉州府志

卷之四十六

宋循績

五

吳岡

王侃

林杆

趙公迥

黃逸

柯宋英

黃適

楊慶齡

王和

劉敏求

傅自脩

柯知彰

曾覺

王顯世

莊方

曾植

楊

林中立剛

翁點

陳研

陳樸

方烜

鍾元鼎

曾秘

趙伯邊

許衍

盧應時

林宗臣

陳孝則字永仲晉江人從易孫

閩書隆慶志俱云從易從孫

宣和三年

進士調東莞尉獲盜不言賞薦改通判潮州納苗賦令民自槩量知英州代還奏罷涵口稅場人便之除廣南東路提點刑獄有盜繫獄賂守獄者逸去誣繫他船商

泉州府志

卷之四十六

宋後續

夫

以代孝則覆驗得其冤釋之後十餘年商過里門望廬拜馬關所居室名曰清取仁宗飛白賜其先人之義郡守王十朋嘗贈以詩其沒也復為詩哭之曰心勞撫字陽司業獄喜平反雋不疑頭白不忘文字樂室清宜作子孫規年八十有二子穎弟知柔

舊志參閩書

陳穎字奇之晉江人以父孝則蔭入官知海陽縣治尚寬慈盡蠲無名之賦通判興化軍知邕州徙惠州妖覲嘯徒策日為變帥臣欲以兵捕之穎謂捕則堅其必死之心不若撫之竟就招改提舉廣東市舶孝則以清著

穎亦廉謹世其家

舊志參閩書
廣東通志

徐光實字德充瞻從弟登建炎三年進士知海鹽縣歲旦放獄囚歸省吏白恐亡去爲累曰我以誠遣彼必不以僞應囚感激如期皆至知英州受代以月五日郡例新舊守僉支俸光實謂已替則不事其事辭不受徙連州嶺表少廉吏光實一介不取曰吾以是娛親也卒年六

十二

舊志

趙汝倣字唐卿晉江人太宗八世孫紹熙初與父善新弟汝僕同第進士郡守表其里曰三秀善新爲封州倣汝

泉州府志

卷之四十六

朱循績

十七

倣通判德慶府築隄障晉康江亘三十里先是潯江苦澇至是皆爲上腴知賓州築城覆之以屋鑿七井城中以免江汲民便之提舉廣東市舶遷提舉常平茶鹽歸

卒

舊志

吳岡字稚山惠安人初以辭賦預貢不第取所業焚之曰是不足爲乃潛心經學紹興八年第進士教授陝邵二州二州僻陋人不知學岡治學舍以經學指授諸生始有第春官者後官吏陵卒州人廟祀焉自號耐閑翁有詩集六卷黃稚之爲序陳知柔銘其墓子寅侄憲甄俱